

lein in rosenöl/ vñ leg es darüber/ vñ bind in dan
zü/ sölichs thū man als oft vñ not ist wenn man
es badet/ wo im aber die Hebamen anders thūnd/
so seynd sye nit vngestraft/ wā es ist ein meinūg
¶ Vnd so der nabel abfallen wil/ als über drey od
vier tag/ so sol man mit fleyß hüten dz er freuelich
nit herab gerissen werd. So er dan abgefalle ist/
so sol man auff denn nabel saen puluer gebrennet
aus alte solen/ od kalbs versen/ dz macht ein wol
gestalten nabel/ Wo aber das kind bluten wurd
in dem freuelichen abreyssen des nabels/ so sae mā
darauff bolum armenum/ das ist ein rote erd in d
apoteccken/ darauff wirt ein rüflin/ das laß man
selbs herab fallen. ¶ Die kind sol man vnder dem
halbenn jor all tag erweschen auß eynem wasser/
bad in zymlicher werme/ vñ werner winters zeyt
ten dan summers zeytē/ Ein tochter werner dan
ein sūn. Vñ die oren soll man im verstoppen/ das
spricht Quicēna/ so man es badet mit eynē baumo
ölly/ damit das wasser den kinden nit in die oren
gang. ¶ Das beuchlin sol man in abwärts streyche
vñ das maßgānglin berühren/ so verheben sye sich
dester minder stū' genge noch harnen. ¶ Vñ wan
ein kindlin schyelen schrickē od zytern würdt in dē
bad/ vñ doch das bad seyn ordenliche werme hat/
so sol man es auß dem bad thūn/ wā es ist frantē/
als Querrois spricht. ¶ Ein kindt sol man baden
biß es ettwas rot ann seynem leyblin wirt werme
halb. Die zeyt aber zū baden ist nach einem langē
schlaff/ vñ auß das minst das es inn eynē stund